



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

González Téllez, Emanuel

Francofurti Ad Moenum, 1690

Capvt XXVI. Honorius III. Archiepiscpis, & Episcpis, in quorum
diœcesibus moasteria, & Prioratus a Duniacensi monasterio subjecta
consistunt.

[urn:nbn:de:hbz:466:1-74544](https://nbn-resolving.org/urn:nbn:de:hbz:466:1-74544)

lum, vel vicum advenerint, si forte locus à divinis sit officiis interdictus, in eorum jocundo adventu semel in anno aperiantur Ecclesiæ, ut exclusis excommunicatis, divina ibi officia celebrentur: sic intelligi volumus, quod in eadem civitate, aut castro, vel villa una tantum Ecclesiæ ejusdem Ordinis fratribus semel, ut dictum est, aperiantur in anno; quia licet pluraliter dictum est, quod in eorum jocundo adventu Ecclesiæ aperiantur; non tamen ad Ecclesiæ ejusdem loci, quas visitarent, sed prædictorum conjunctim referendus est intellectus: ne si hoc modo singulas ejusdem loci visitarent Ecclesiæ, nimium vilipendi contingeret sententiam interdicti. Qui verò contra declarationes prædictas quicquam sibi præsumpserint usurpasse, sub jaceant disciplina.

NOTÆ.

1. a **Eodem.** Ita etiam legitur in quarta collectione, sub hoc tit. cap. 7. & textus hic reperitur in ipso Concilio Lateran. celebrato sub Innocentio III. can. 57.
2. b **Amittitur.** Cap. ubi ista 7. 74. dist. cap. privilegium 63. 11. quest. 3. l. qui sine 38. ff. de negot. gest. quia prætextu privilegiorum aliena usurpare absonum est, l. 2. Cod. de privil. schol. Auth. de mandat. Princip. §. delinquentes, cap. Abbates 25. de v. s. Illustrant Belluga in specul. Princip. rubric. 35. num. 12. Carolus Tapia in l. final. C. de conscri. Princip. cap. 7. part. 2. num. 1. Martinus Magerus in advocat. armata, cap. 16. à num. 637. Altamiran. in rubric. de filiis offic. cap. 4. num. 45. non tamen ipso jure per

abusum amittitur privilegium, sed sequutà sententiâ: quo modo textum hunc, & in cap. cum explantare, hoc tit. ibi: Privilegium omnino meretur amittere, qui permisa sibi abutitur libertate: & D. Augustin. serm. 247. de tempore, ibi: Iudicio legum jure ab obtenta dignitate dejecti, qui privilegio sibi concessio abutitur, exponit Bruno Challaing. de privil. regul. tract. 2. cap. 5. propos. 3. & Gibal. tom. 2. scient. can. lib. 7. cap. 9. quest. 4.

c **Excommunicati.** Qui arcendi sunt à sepultura ecclesiastica, juxta tradita in cap. sacris de sepultur.

d **Fratribus.** De quibus egi in cap. 3. §. de confratribus, hoc tit. & credo Patres Concilij Lateran. respexisse in præsentem canonem ad eos confratres Ordinis Hierosolymitani.

CAPVT XXV.

Idem a in eodem.

Quod nonnullis est religionis indultum, in favorem Pontificalis officii ad Episcopos extensum concedimus, ut cum commune terræ fuerit interdictum, excommunicatis, & interdictis exclusis, possint quandoque januis clausis, suppressâ voce non pulsatis campanis, divina officia celebrare: nisi ipsum hoc illis expressè fuerit interdictum. Verum hoc illis concedimus, qui causam aliquam non præstiterint interdicto, nec quidquam fraudis ingesserint, tale compendium ad iniquum dispendium protrahentes.

NOTÆ.

1. a **Eodem.** Ita etiam legitur in quarta collectione, sub hoc tit. cap. 8. & reperitur textus hic in ipso Concilio Lateran. part. 58. In præsentem

id privilegio conceditur Episcopis, quod hodie jure communi omnibus competit, ex cap. finali, de sent. excom. in 6. ut dicemus in c. quod in te de pen. & remiss. ubi commentarium de interdicto, & ejus effectibus dabimus.

CAPVT XXVI.

Honorius III. *Archiepiscopis, & Episcopis, in quorum diocesis monasteria, & Prioratus Duniacensis monasterio subiecta consistunt.*

Quantò amplius. *Et infra.* Sanè dilecti filii Abbas, & conventus Duniacensis gravem nobis querimoniam obtulerunt, quòd quidam vestrum, & vestrorum officiales, cum in eos, & sui Ordinis monachos non possint excommunicationis, & interdicti proferre sententias, eo quod super hoc Apostolica Sedis privilegiis sint muniti, in eos qui molunt in molendinis, vel coquant in furnis eorum, quique vendendo, seu emendo, aut alias eis communicant, sententias proferunt memoratas, & sic Apostolicorum privilegiorum non vim & potestatem, sed sola verba fervantes, dicti Ordinis monachos quodam modo excommunicant, dum eis alios communicare non sinunt.

